



სსიპ ილია წინამძღვრიშვილის სახელობის კოლეჯში
სანიტარულ-ჰიგიენური ნორმების დაცვის წესი

2022 წ.

მუხლი 1. ზოგადი დებულებები

- 1.1. წინამდებარე წესი განსაზღვრავს სსიპ კოლეჯის „ ილია წინამძღვრიშვილის სახელობის “ (შემდგომში - კოლეჯი) სანიტარულ-ჰიგიენური ნორმების დაცვის წესს.
- 1.2. წინამდებარე წესის მიხედვით განსაზღვრული წესები ვრცელდება კოლეჯის ყველა მართლზომიერ მფლობელობაში არსებულ სივრცეებზე, მათ შორის სასწავლო და სამუშაო სივრცეებზე.

მუხლი 2. სანიტარულ-ჰიგიენური ნორმების დაცვის პროცედურები

- 2.1. სანიტარული ღონისძიებების ჩატარებაზე პასუხისმგებელი პირების (დამლაგებლების) მორიგეობის გრაფიკი;
- 2.2. კოლეჯი აქტიურად აწარმოებს ინფექციის პრევენციას და კონტროლს საგანმანათლებლო სივრცეში, საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს, (COVID-19) გამოწვეულ ინფექციასთან დაკავშირებული რეკომენდაციებით;
2. 3. კოლეჯი ყოველდღიურად ლაგდება სველი წესით , თხევადი საპნის და სადენზინფექციო ხსნარების გამოყენებით.
2. 4 .ფოიეები, აუდიტორიები, სახელოსნოები, ლაბორატორიები და სხვა სასწავლო და დამხმარე ოთახები ლაგდება მეცადინეობების დამთავრების შემდეგ, გაღებული ფანჯრების და ფრამუგების მდგომარეობაში. ირეცხება იატაკი, იწმინდება მტვრიანი ზედაპირები (მაგიდები, სკამები, ფანჯრის რაფები, გამათბობლები დასხვა).
- 2.5. ყოველდღიურად ტარდება სადენზინფექციო სამუშაოები სადენზინფექციო ხსნარების გამოყენებით და შესაბამისი მონაცემები ფიქსირდება სამუშაო სივრცისა და გამოყენებული სამუშაო აღჭურვილობების დენზინფექციის ჩატარების გრაფიკის ჟურნალში, ამისათვის გამოიყენება საქართველოს შრომის, ჯანმრთელობისა და სოციალური დაცვის სამინისტროს მიერ რეგისტრირებული სადენზინფექციო საშუალებები.
- 2.6. ფანჯრები იწმინდება დაბინძურების შესაბამისად, მაგრამ არანაკლებ წელიწადში ორჯერ მაინც. სამედიცინო კაბინეტი ექვემდებარება ყოველდღიურ დასუფთავებას სადენზინფექციო საშუალებების გამოყენებით.
- 2.7. სანიტარულ-ტექნიკური აღჭურვილობა სუფთავდება ყოველდღიურად. უნიტაზის დასაჯდომის, ჩასარეცხი ავზისა და კარების სახელოურები ირეცხება ყოველდღიურად სარეცხი საშუალებით და სადენზინფექციო ხსნარის გამოყენებით. ნიჟარები, უნიტაზები ირეცხება ჯაგრისით სარეცხი-სადენზინფექციო საშუალებების გამოყენებით მათ ეტიკეტზე მითითებული რეკომენდაციების შესაბამისად.
- 2.8. სანიტარული კვანძის დასუფთავებისათვის გამოიყენება ამ მიზნებისათვის განკუთვნილი, სათანადოდ მარკირებული ინვენტარი, რომელიც ინ განცალკევებით და ექვემდებარება დამუშავებას ყოველი სამუშაო დღის დასრულების შემდგომ.

2.9. კოლეჯის სათავსების დასუფთავებისათვის გამოყენებული საყოფაცხოვრებო ქიმია და სადეზინფექციო საშუალებები, ინახება სპეციალურად ამ მიზნისათვის განკუთვნილ, ჩაკეტილ სათავსში/კარადაში, პირვანდელი შეფუთვით, რათა შესაძლებელი იყოს დიფერენცირება მარკირების მიხედვით და არ იყოს ხელმისაწვდომი გარეშე პირთათვის.

2.10. ეპიდემიოლოგიურად არაკეთილსაიმედო პერიოდში ყოველდღიურ დეზინფექციას ექვემდებარება ყველა ოთახი, სადაც გამოვლინდა დაავადების შემთხვევა. სადეზინფექციო სამუშაოების ჩატარების ხანგრძლივობა კერაში დამოკიდებულია ეპიდსიტუაციაზე. საზოგადოებრივი ჯანმრთელობის დაცვის ცენტრების მითითებების შესაბამისად, დაავადების კერის ლიკვიდაციამდე.

2.11. ეპიდემიოლოგიურად არაკეთილსაიმედო პერიოდში კერაში დეზინფექციის დროს ძირითადი ყურადღება ექცევა იმ ნივთების დამუშავებას, რომლებიც გადამწყვეტ როლს თამაშობენ ინფექციის გადაცემაში (ხშირად შეხებადი ზედაპირები, კარები, კარისა და ფანჯრის სახელოურები, მაგიდის ზედაპირები). ჰაერ-წვეთოვანი ინფექციის გავრცელების პრევენციის მიზნით ხშირად ნიავდება აუდიტორიები, სახელოსნოები, ადმინისტრაციის ოთახები (ყველა შესვენებაზე), იწმინდება მტვრისაგან, სუფთვდება სველი წესით. ნაწლავური ინფექციების გავრცელების პრევენციისთვის დიდი მნიშვნელობა ზედაპირების, სანიტარიულ-ტექნიკური აღჭურვილობის დეზინფექციის მართებულად ჩატარებას.

2.12. კოლეჯის ტერიტორია ყოველდღიურად სუფთავდება ხოლო ნაგავი გროვდება და იყრებ ეზოში არსებულ თავსახურიან ნაგავშემკრებ კონტეინერებში, რომელიც შენობ(ებ)იდან არანაკლებ 25-30 მეტრის მოშორებითაა განთავსებული.

2.13. ყოველდღიურად ხორცილედება მყარი ნარჩენების შეგროვდება ოთახებში, ადმინისტრაციულ და სხვა სათავსებში და უსაფრთხო გატანა შენობიდან.

2.14. ნაგვის კონტეინერები იცლება მათი 3/4-ით გავსებისთანავე რათა არ გადაივსოს.

2.15. ნაგვის ლპობისა და ხრწნის თავიდან აცილების მიზნით, ყოველდღიურად ხდება კონტეინერების გატანა კოლეჯის ტერიტორიიდან, განსაკუთრებით, წლის თბილ პერიოდში. ყოველთვიურად, კონტეინერები ირეცხება და უტარდება დეზინფექცია (დეზინფექტანტით).

2.16. სხვადასხვა მანიპულაციების ჩატარების შედეგად ჰიგიენური ნარჩენის შეგროვება, ამავდროულად ახალი კორონავირუსით (COVID-19) გამოწვეულ ინფექციასთან დაკავშირებული რეკომენდაციების გათვალისწინების შესაბამისად, ხორციელდება ნარჩენების მართვა.

2.17. კოლეჯის ადმინისტრაციის ორგანიზებით, სპეციალიზებული სამსახურის მეშვეობით, ტარდება ნარჩენების კონტეინერების განთავსების ადგილის, ასევე საწყობებისა და სარდაფების პერიოდული დამუშავება მწერებისა და მღრღნელების გამრავლების საწინააღმდეგო საშუალებებით (დეზინსექცია, დერატიზაცია).

2.18. შენობა-ნაგებობაში მოწყობილია გამიჯნული სანიტარული კვანძები, რომლებიც მუდმივად მარაგდება წყლით, აქვს უწყვეტი განათება, ვენტილაცია და უზრუნველყოფს პირადი ჰიგიენის დაცვის შესაძლებლობას, რომელიც ხელმისაწვდომია ყველა პროფესიული სტუდენტისთვის, მათ შორის შშმ სტუდენტებისთვის;

მუხლი 3. დასკვნითი დებულება

3.19. კოლეჯის მართლზომიერ მფლობელობაში არსებული ყველა სივრცეში სანიტარულ-ჰიგიენურ ნორმათა დაცვის კონტროლი ევალება კოლეჯის მედდას, ხოლო ფილიალებში კოლეჯის დირექტორის მიერ ადმინისტრაციული აქტით განსაზღვრულ პირებს

3.2. წინამდებარე წესს ამტკიცებს კოლეჯის დირექტორი ბრძანების გამოცემის გზით;

3.3. ცვლილებების და დამატებების განხორციელება შესაძლებელია 3.2. პუნქტის მიხედვით.

